


Prome Minister Evelyn Wever-Croes:

Cu un director nobo, awor Arubahuis por concentra riba e 5 pilarnan cu nan a stipula pa nan mes



ORANJESTAD (AAN): Durante conferencia di prensa di Gobierno, Prome Minister Evelyn Wever-Croes a anuncia cu Arubahuis lo tin su directora nobo pa comienso di December 2023, cu lo ta sra Joselin Croes. Manera ta conoci, Arubahuis ta representacion di Aruba na Hulanda y Europa, y pesey ta importante pa tin un Arubahuis stabiel.

Cu e nombramento di sra Croes, awor Arubahuis lo por concentra riba e 5 pilarnan cu nan a stipula pa nan mes. Prome Minister a indica cu ta importante pa logra fortifica e 5 pilarnan aki, pa asina Aruba ta mas visibel, y alavez crea mas oportunidad pa nos hendenan.

E prome pilar ta enfoca riba e prioridad cu nos hendenan. Esaki ta conta pa tur Arubiano cu ta bay Hulanda pa biba of studia, of cu ta eyan pa motibo medico. E di dos pilar ta e tarea den Gobierno di Reino, paso Aruba tin un rol akinan, y Arubahuis como nos representante lo yuda den esaki.

E di tres pilar ta e tarea den Union Europeo, paso akinan tambe Aruba tin un rol pa hunga y Arubahuis lo yuda akinan tambe. E di 4 pilar, ta e cooperacion cu institutonan Hulandes, Aki ta referi na Gemeente di provincianan, otro institu-

tonan manera hogescholen y universidadnan di e sector comercial, tur diferente instituto cu mas cooperacion, paso esaki lo trece cune mas oportunidad pa Aruba y nos hendenan. Por

ultimo, cu ta e di 5 pilar, ta cooperacion cu embahadan pa paso con cu bay bin Arubahuis ta nos representacion na Hulanda y Europa, y e cooperacion cu embahadan ta impor-

tante.

“Cu esaki, ohala cu na December caba, tin un director nobo, y un candidato nobo pa bira Minister Plenipotenciario na Washington. Unabes cu Aruba tin su representacion na Washington, e lo por remplaza sra Croes, pa asina

e por cuminsa funcion an Hulanda como directora di Arubahuis. Manera cu nos haya e ultimo indicacion di Hulanda, nos lo anuncia tambe, ken ta bra e candidato nobo pa Minister Plenipotenciario na Washington” Prome Minister a expresa.

Copia di buki ‘Roxy, mi dushi bida’ entrega na Biblioteca

ORANJESTAD (AAN): E aña aki, Denise de Jongh-Rekwest a publiká un buki nobo, ‘Roxy, mi dushi bida’, Contá pa Roxy mes, su cachito di cas. ‘Roxy, Mi Dushi Bida’.

E storia ta den linea cu e tema di e Festival di Buki pa Mucha di e aña aki ‘Na mi Cas’. Denise kier haci muchanan mas consciente di cuida y atencion pa bestia di cas manera Roxy su cachito. Denise ta na Aruba e siman aki pa bishita diferente scol y conta storia.

Denise de Jongh-Rekwest a nace na Corsow, tin laso familiar cu Aruba y ta biba pa basta aña na Bonaire. Denise tin un yiu muher, Kaylee, su inspiracion pa su serie di buki di Kaylee. Despues di studia y traha den turismo, el a lanta su propio negoshi di Training & Consultancy. E ta duna diferente training, entre otro di servicio, comunicacion, teambuild-



ing y etiketa. E training di mas popular ta esun di etiketa. Na aña 2008, Denise a skirbi i publiká su prome buki di etiketa pa mucha esta Kaylee y su primonan cu vakantie na Corsow. Tin cuater buki den e serie di Kaylee y dos luisterboek na Papiamentu y Hulandes.

Na 2010 su buki di streep, ‘Gino y Gina, amigo di curason’ a sali como buki di regalo na Aruba en conexion cu Festival di

Buki pa Mucha. Denise a skirbi y publica te cu awor 18 buki di su mes. Tambe el a publica 20 buki pa diferente otro autor y instancia di Aruba, Bonaire, Corsow y Hulanda via Request Publishing, su propio editorial. Denise sa participa na e diferente simannan di buki pa mucha na Aruba, Bonaire y Corsow. Ademas di skirbi buki pa mucha, Denise ta gusta lesa buki, fotografia y pinta.